

漢名臣傳

十四上



| | | | |
|------|-----|---|---|
| 內閣文庫 | | | |
| 三六八 | 二二〇 | 漢 | |
| 函 | 一六〇 | 書 | |
| 架 | 冊 | 號 | 類 |

| | | | |
|------|---|--|--|
| 內閣文庫 | | | |
| 二九〇 | 二 | | |
| 函 | | | |
| 架 | | | |

| | | | |
|------|-----------|------|--|
| 內閣文庫 | | | |
| 番號 | 漢 | 2305 | |
| 冊數 | 160 (125) | | |
| 函號 | 290 | 43 | |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

漢名臣傳卷十四

莫如錫

錢珪

康泰

藍理

李麟

楊天統

朱宏祚

馬進良

陳丹赤

王度昭

馬如龍

張死樞

袁立相

郝維訥

殷化行

蔡世遠

吳涵

莫如錫列傳

莫如錫直隸永平人順治四年進士授刑部

主事歷遷本部員外郎郎中七年授湖廣襄

陽府知府十一年遷河東鹽運使十六年調

漢名臣傳卷十四

河南分守道尋擢浙江按察使十七年內遷
太常寺卿尋轉通政使十八年補工部右侍
郎康熙四年丁憂回籍七年服闋赴補八年
補兵部右侍郎十年轉左十二年六月遷左
都御史八月疏奏獄訟繁興弊皆伏于砌欸
粘單豪猾捕風捉影羅富民以媚貪吏一狀
而裝十數事一事而累數十人貪吏陽借鋤
暴惡奸之名陰縱擇肥魚肉之計迨志滿慾
飽從而假以威勢分以脂膏貪猾相濟良民

何堪甚至有草汰逃兵砌尅餉之欸以告其
將領者有甲外游棍砌橫征之欸以告其州
縣者挾私行詐凌犯日熾臣查砌欸粘單雖
有嚴禁日久廢弛請

敕內外大小衙門有犯除所告不准外仍給
其違例之罪又奏臣閱邸報每見有奴僕告
主者以役使之入挾私報怨及審虛刑辟難
逃是上下之分不明又陷愚人于必死也臣
請除謀反叛逆及窩藏奸細仍許奴僕指寔

出首外其餘一切公私過犯永禁首告一概不准審理仍行依律治罪載入條例曉布中外庶各分定而愚昧之刑少綱紀肅而悖逆之風絕矣俱下部議行九月擢工部尙書十五年淮揚河決

命如錫同侍郎伊桑阿往會摠漕摠河詳議十六年正月如錫等叅奏河臣王光裕曾題稱高郵三淺西堤一處逼近清水潭俟水涸另議興修其餘各工已相機搶築今各工尙

未興修詢其故則以錢糧不足為詞又題崔家垵修築處亦未成以致隄岸屢決又題高郵城南决口三十處堵塞完固今新堤不及舊堤之半王光裕寔無治河才伏乞

皇上速行別簡則河道有益生民幸甚特旨解光裕任遣吏部侍郎折尔肯副都御史金鶴察審得寔光裕坐草職如錫等又奏河道水性靡常全賴堤工捍禦黃河南岸自白洋河至雲梯関北岸自清河縣至雲梯関

及高堰周橋翟垣古溝一帶決口並殘廢單薄之堤俱宜亟行修築其清口一帶沙淤及運河為黃河淤壑之處即應疏濬通深至當日河底其自淮至揚兩岸土石隄工務期修築完固而清水潭等處決口關係運道民生堵築難容刻緩至于歸仁隄石工原有估計錢糧今尙未修完仍嚴令該管官速行堵塞其未估土堤亦應一律興修今特立驗勘之法遴選廉幹多員分工勒限詳定各官題叙

處分例俟堤工告成更祈

特遣大臣勘覈朕知做湯下部議從之四月

因

天壇

文華殿所用藍黃磚瓦監督及窰戶等年久誤工工部仍請令原監督等催造奉

旨詰責如錫等又不引咎下部議降四級調用尋卒于家

錢珏列傳

漢名臣傳卷十四
四
錢珏浙江長興人康熙十六年由舉人授陝西涇陽縣知縣二十年行取以御史用二十二年補廣西道監察御史尋巡視東城二十三年疏言刑具乃民命所關凡笞杖枷杻俱有一定尺寸在外有司當畫一遵守無如日久玩弛隨意濫用致斃多命請凡郡縣衙門以刑具輕重長短廣狹之數刊木榜曉諭如違督撫提叅得旨通行內外問刑衙門嚴加申飭故違者治

罪三十四年二月疏言秦蜀浙閩滇黔楚粵投誠寔繁有徒請

勅部詳議凡直省安置地方通查人數願在他鄉入籍者編入保甲開明某府州縣現居某處作何生業願屯田者給以牛種派田開墾願爲兵者補入營伍其有願歸故土者准回籍安置皆令管官造冊報部務使投誠人不致流離失所下部議行五月疏言陋弊相沿莫如山西火耗每徵錢糧有司收耗入已

司道府廳又多方需索不得不加派民間每兩加至三四錢不等晉撫穆爾賽糾劾無聞臣採訪至確亟請禁止以甦一方之困得旨九卿嚴確議奏尋議穆爾賽不能察核應降三級并嫁女索屬員禮物藩司那弼收銀坐扣平頭等款請提京嚴審上允之尋九卿鞫訊得寔穆爾賽那弼等俱論如法二十五年

特擢左僉都御史二十六年正月遷順天府

尹二月授山東巡撫四月疏言德州常豐二倉向有各州縣額解米石以備駐德官兵及支放各營月米並過往官兵口糧各屬解倉各營赴領道遠費煩應改于就近州縣兌支有不敷者估價折給至臨清營歲支米石無就近兌收之州縣應照時價題明折給自行採買其德州額米仍照徵以脩過往官兵之用則民無轉輸之勞兵無馬馱之苦且節藩草腳價等費請自本年始定爲例下部議從

之二十八年三月奏言瘋病殺人雖有追銀
埋葬之例但被殺者無辜可憫應令親屬將
患瘋人鎖錮在家無親屬者責成同居並隣
佑人如有踈虞治以縱放之罪部議踈縱者
照不應重律杖八十從之先是元聖周公累
代崇祀未定章程三十年

上東巡始

命葺廟供祭田至是珏疏言周公廟祭祀禮
樂與廟戶佃戶請照顏子例酌給下九卿議

尋議周公廟應設贊禮生二十名廟戶十佃
戶十傳

旨准行九月御史張星法劾珏貪黷劣蹟

上命珏明白回奏時御史盛符升先以密書
報珏詞涉郭琇珏上疏自辯言左都御史郭
琇與太常寺少卿趙崧等曾致書於珏屬薦
郎墨令高上達成山衛教授孫熙等未之允
挾嫌使星法誣劾

命法司鞠訊以星法誣珏琇等致書囑薦事

寔均革職擬杖

特旨免星法罪降二級留任以琇素鯁直降五級調用崙等革職流奉天符升不合寄書降二級調用珏既得私書不卽舉首以原官解任三十年四月革職縣丞譚明命控前任濰縣知縣朱敦厚婪贓事

命巡撫佛倫勒勒佛倫奏敦厚婪贓前撫錢珏事經審寔因授刑部尙書徐乾學貽書徇情銷案請議處部議革珏職四十年

上以御史等徒爲空言論及珏曰曩者錢珏曾爲大言及用至大吏不能自踐其語品亦不端又曾忝巡撫穆爾賽貪婪及身任巡撫並無勝于穆爾賽之處大言又何益哉四十二年珏卒

康泰列傳 弟海附

康泰甘肅張掖人由甘肅提標行伍拔把總遷右營守備康熙三十五年擢遊擊時振武將軍孫思克奉

命征噶尔丹追擊至昭莫多泰隨思克率綠旗兵居中與東西二軍并力步戰自未至西奮勇擊賊勢漸亂大兵乘騎而進大敗噶尔丹追奔三十餘里斬級三千餘生擒百餘獲駝馬牛羊軍器無算捷奏至

上命從優議叙給雲騎尉世職准襲一次三十九年授鎮番城守營叅將四十年擢陝西西鳳協副將四十四年擢直隸宣化鎮總兵五十一年授四川提督五十六年策妄阿喇

布坦犯順將軍額倫特赴西寧辦理軍務泰遣人密往青海偵探九月泰領松潘兵千餘人至黃勝關柏水橋泰所信任守備汪文藻駿軍賞眾兵噪搃兵路振揚馳往撫慰令眾兵回成都川陝提督鄂海以

聞

命泰來京五十七年二月議政大臣議草泰職交刑部治罪得

旨康泰曾經戰陣著自備鞍馬赴軍前効力

贖罪九月隨將軍額倫特進勦策妄阿喇布坦至喀喇烏蘇遇賊躍馬轉戰自辰至午矢集于臂泰比子世顯拔矢裏創復戰力竭陣亡

賜卹如例子世昌襲雲騎尉雍正三年追諡泰壯勇加贈署都督同知八年入祀昭忠祠泰弟海由把摠隨思克進勦噶爾丹于昭莫多有功授守備歷遷至陝西涼州摠兵康熙五十六年準噶爾擾西藏海以所巡南山一

帶去大通河百餘里卽通青海西藏噶斯要路扁都口酸茨河寬溝等處邊地險要並宜防守與督臣會商入奏

上允所請五十七年海率本營兵從將軍額倫特進勦遇賊于喀喇烏蘇力戰破于陣追贈雲騎尉准襲一次以子世輔襲雍正八年入祀昭忠祠乾隆三十二年奉

上諭綠旗世職向無承襲罔替之例第念官弁宣力効忠勲猷卓越國家延賞酬庸誼無

海峽傳 卷十四
歧視著詳查國初以來凡有功冊可稽者分別等差列名具奏其現在承襲者俟襲次滿日恩賞給恩騎尉其襲次已滿者卽一體賞給並准其世襲罔替部臣以康泰康海陣亡列奏請均

賞給世襲恩騎尉三十五年以海曾孫永壽初次承襲五十年以泰曾孫莊初次承襲

藍理列傳

藍理福建漳浦人康熙十三年耿精忠反康

親王傑書爲奉命將軍統師征之理于浙江迎降爲鄉導破僞都統曾養性于温州十五年隨師入閩授寧建遊擊十七年都統賚塔等敗海賊于蜈蚣山復長泰縣理在事有功十八年遷灌口營叅將十九年賊將何祐領象屯烏嶼理隨昭武將軍提督楊捷分三路夾擊大敗之搃督姚啟聖令理分兵守高浦辭不赴又以虛兵冒餉事爲啟聖所劾奉旨革職下部議罪擬杖徒理自請勦海賊贖

罪

上允之發臺灣効力二十一年提督施琅奏署右營遊擊委營舟師部議以前經獲罪不准所請

特旨允行時琅統師進剿賊將劉國軒分眾拒守澎湖理偕遊擊曾成等首先衝擊燬沉其舟為飛砲所傷裹創力戰自辰至午殺賊殆盡遂克澎湖臺灣平功加左都督以叅將先用尋丁憂二十六年服闋引

見

上諭兵部監理効力行間著有勞績陞授副將補神水營副將旋擢宣化鎮總兵掛鎮朔將軍印二十九年調浙江定海鎮三十二年以保奏閩省功加人員蔡明等不合部議降二級以功二次抵銷四十二年調天津鎮賜孔雀翎及冠服並御書所向無敵額四十三年以舊傷疾作請解任

上曰藍理勇于軍旅勤勞懋著自簡任摠兵
整飭營伍和輯兵民覽奏雖舊疾屢作醫治
即可痊愈著照舊供職不必求罷並

賜御醫診視四十五年三月借直隸巡撫趙
宏燮請于直隸所屬荒窪田地開墾水田

上命理先于天津試墾冬後奏聞嗣內務府
摠管黑碩子等奉

旨往勘以理所開墾福田計百五十頃入奏
報聞六月擢福建陸路提督

御書畫錦營榮額

賜其母蘇氏四十六年

上南巡理迎

駕于揚州

賜御書勇壯簡易額並衣一襲四十七年丁
母憂奉

旨在任守制五十年二月盜首陳五顯等糾
眾二千擾泉州永春德化等縣界六月理始
以五顯潛匿山谷附近賊巢村落安集如故

入奏奉

旨督撫提鎮平時不能卹民訓兵及事出又不能相機勦撫縱容盜賊騷擾地方又不卽行奏聞轉稱百姓照常安集凡盜夥至三四十人百姓尙且畏避况數千人爲盜豈得謂百姓安居舊業乎此係掩飾已過巧行誣奏甚明著該部嚴察議奏尋議革職治罪得旨藍理前曾奏稱福建地方有臣與水師提督吳英料理可保寧謐尙猶有盜賊臣無面

目再觀天顏今盜賊竊發不能卽行勦撫迄今尙未盡獲且藍理居官不端殊爲溺職着革職從寬免交刑部先是福建總督梁鼎商奏理貪劣尅扣兵丁錢糧貽害地方

上念其人材壯健未治罪至是福建巡撫覺羅滿保會同浙閩總督范時崇劾理貪婪酷虐流毒士民狀

上命兵部侍郎覺羅和托等往審尋奏理霸市抽稅婪贓累萬流毒已極應斬立決得

自藍理應仗議處斬但在臺灣澎湖對敵時奮勇向前曾著勞績着從寬免死調取來京入旗五十四年大軍分三路勦策妄阿喇布坦理籲請赴軍前効力上以其驍勇熟練軍機賜摠兵銜隨都統穆爾賽協理北路軍務五十七年以病回京五十八年卒上追念理功特旨免所追銀遣其妻子回原籍

李麟列傳

李麟陝西咸陽人康熙十八年由行伍隨勇畧將軍趙良棟自四川進征逆孽吳世璠克關山象嶺三市衛得勝橋等處得雲南省城下部議叙二十七年良棟遵旨覈平雲南功應加獎勵人員以麟材技堪用胆勇可取保奏部議以都司僉書錄用三十五年五月隨振武將軍孫思克擊噶爾丹於昭莫多大敗之叙功授副將職銜十一月

漢名目傳卷十四
授直隸振家口右營遊擊三十八年遷四川
化林營叅將川省打箭爐舊屬內地
上以西藏番部嗜茶許藏內營官在爐營理
土伯特貿易事三十九年九月營官喋吧昌
側集烈據爐地並侵河東烏泥若泥嵐州善
慶擦道等處叅明正長河西土官蛇蟒喳吧
川陝總督錫勒達奏請檄麟領化林營官兵
駐爐彈壓查拿嗣喋吧昌側集烈抗不令凶
犯到官復阻移爐官兵屢犯內地麟移兵渡

爐招安咱威子牛烹垠魁梧四處

上命副都統滿丕統荆州滿兵進勦並

命四川提督唐希順相機行事十二月希順
偵知哪叱頂與夫岡兩處有蠻兵四千餘其
咱威一路係入爐大道喋吧昌側集烈領蠻
兵五千餘在磨西面及磨岡二道水等處議
分兵三路進攻一由子牛攻哪叱頂一由烹
垠攻大岡希順自領官兵攻磨岡令麟順爐
水至哦可達磨西面後夾攻磨岡麟軍夜迷

失道比明反出磨西面前遂爭先攻畜營奪
磨西面連戰五日各路俱克捷斬喋吧昌側
集烈喇嘛番民悉投順遂復打箭爐四十年
正月希順以捷

聞下部議叙嗣希順追劾麟移兵赴爐時避
險就易駐咱威至失烹垣又進征時令麟領
兵由哦可遠磨西面麟不由哦可貽誤軍機
諭曰李麟人材壯健馬步射俱優係朕簡用
之員打箭爐未復之前李麟曾呈報錫勒達

應分三路進取錫勒達據以具奏載在打箭
爐捷書甚明今唐希順劾李麟規避誤機着
交錫勒達察議具奏嗣經錫勒達審訊失守
烹垣係守脩陳大樹懦怯無謀應嚴加處分
麟雖不由哦可進而從大路爭先攻克畜營
功過自可相抵應給咨赴部另補疏入
上命滿不會同提督岳昇龍巡撫員和諾再
議具奏尋滿丕等會鞫麟失察防守烹垣之
守脩陳大樹應革職治罪但烹垣旋即收復

又奪取磨西面請免治罪

詔如所請四十一年遷江西九江副將四十四年調湖廣黃州副將四十五年調江南江西中軍副將四十九年兩江總督噶禮劾麟訓練怠忽弓馬生疎

命辭任五十年

上行圍塞外麟以謝

恩來京扈

駕隨圍五十二年

特授山東膠州副將五十五年擢登州總兵五十七年策妄阿喇布坦擾西藏

命麟於所屬內選精兵百由寧夏赴軍前五十九年五月

命都統延信爲平逆將軍率兵進藏以麟叅贊軍務四月護送第六世達賴喇嘛進藏八月至沙克河賊夜襲我營擊敗之連敗賊於齊諾郭勒綽瑪喇等處西藏平麟率兵由拉里凱旋六十年三月授陝西固原提督六月

既言臣前進藏時所領山東兵丁曾借司庫銀兩今中烟瘴死者百餘故兵之父母妻子無依可憫卽生回山東者俱効力疆場亦屬勞苦請照

恩賞川兵例免其扣追

特旨允行雍正元年遷銜儀使二年追叙安藏功加右都督授騎都尉三年以老致仕六年卒孫彩現襲世職

楊天縱列傳

楊天縱陝西渭南人由行伍於康熙二十四年拔補四川提標把總二十九年補戡邊于摠三十九年十月打箭爐營官喋吧昌側集烈煽亂天縱隨提督唐希順進剿四十年正月攻二道水磨崗磨西面等處首先破敵克打箭爐叙功擢署遊擊四十四年補浙江處州都司四十七年授福建福寧遊擊明年遷山西潞澤營叅將四十九年調東路營叅將五十三年署山東沂州副將五十七年推陞

貴州定廣協副將

特旨加銜留任五十九年推陞廣東雷州協副將巡撫李樹德奏稱沂州山汛險要請仍以陞銜留任

上報可加署都督僉事雍正元年遷雲南臨元鎮總兵時魯魁山裸裎方景明等恃眾搆險剽劫肆害天縱偕布政使李衛率兵勦捕賊黨盡伏誅以功子紀綠四年擢貴州提督五年三月疏言各省軍政多劾干總把總至

一二十員不等干把雖屬微員平時有防汛護餉解逃補盜之責遇敵宜身先士卒偷惰應不時斥革何待五年軍政始行叅劾皆緣不肖提鎮一則爲大員塞責一則得受錙銖去一干總必拔一把總去一把總必拔一兵丁祇圖飽其囊橐上負

君恩下屈末弁請

敕各省提鎮嗣後干把有劣員即時斥革不得于軍政年塞責

漢名臣傳 卷十四
上是其言

諭兵部曰向來軍政之年該管官員往往以干把等官劾叅塞責似此微弁優者可以隨時拔用劣者原係咨部黜革何必待五年軍政之時著停止時長寨狝苗阻建營房搃督鄂爾泰勦平之其東西南一帶生苗素不服約束不納貢賦內地狝苗以爲逋寇天縱僭鄂爾泰設法招撫遣叅將劉成謨率熟苗頭人告示開誨資以銀牌花苗皆感化苗頭至

署投見者加意撫慰令薙髮給衣冠酒食諭歸時轉相化導共撫生苗一百四十八寨凡五千六百餘口量給地糧爲民六年二月叙生苗歸化功予雲騎尉世職嗣巡撫張廣泗清理苗疆丹江苗糾眾抗拒天縱調兵協勦十月疏言各營所存有滅吳逆大砲太重黔省山高箐密攜帶維艱餘砲多不及遠臣製靖蛮大砲能攻數里又造過山鳥俱能攻遠便捷選標下弁兵帶赴撫臣行營聽用嗣恐

兵不足分布隨調安籠安南大定黔西長塞
等營弁兵攜砲赴凱里一路候分布進攻
詔嘉其料理合宜七年正月天縱追劾前署
巡撫祖秉圭言上年張廣泗清理苗疆本期
宣布

皇仁俾傾心內嚮並無用兵意乃秉圭不諳
事機于廣泗未到先日在教場操點兵馬聲
欲盡勦以致頑苗糾眾抗拒勞師動眾其梗
化之由臣不敢爲之隱諱

諭曰生苗必經此懲創方可圖維久安之道
朕前因祖秉圭不能勝任業予罷退此類情
事焉能逃朕鑒察耶九年天縱以老乞休
命加太子太保致仕十年二月入籍四川成
都府七月卒

賜祭葬如例諡襄壯次子炤襲世職卒炤弟
熾襲卒停襲

朱宏祚列傳 子綱附

朱宏祚山東高唐人康熙九年由舉人選授
漢名臣傳卷十四

江南盱眙縣知縣十四年行取御史以姪級
任大理寺卿迴避改補刑部主事遷員外郎
尋遷兵部郎中二十三年授直隸天津道二
十四年遷守道二十六年擢廣東巡撫二十
七年條陳粵省鹽政一簽商製鹽納餉等項
各衙門官役皆有公費係正課外橫派請嚴
禁革一定例埠商三年一換商人視為傳舍
弊竇滋多請大埠招商二名小埠一名有賢
易公平與地方相安者即令永充如欠課餉

及作奸犯科即驅逐募補一州縣銷引有定
額如東莞增城等縣近海無地非益小民就
便取食官引難銷其餘州縣戶口繁多或有
官引不敷處請酌量增減引易行銷更有私
廢埠商課餉派徵田畝累民請仍招商行運
一粵省舊駐尚之信逆党未靖或冒旗下或
投托現任謀充商人搃地為害請
敕查嚴處一粵省地方遼濶行私難于巡緝
如虎門港口惠州浮橋等處皆有要津請專

委廉幹佐貳駐守盤查一粵省行塩原有生
熟二引熟塩出歸德等場生塩産淡水等場
民間有嗜生塩者有嗜熟塩者尙逆在粵時
限生熟塩引三七配埠行銷民間多不便請
嗣後聽商製運聽民買食不拘定額一製塩
之地多一次盤查卽多一次冗費如佛山距
省城三十里省掣之塩行至佛山應免復行
秤掣一粵省塩價奸商任意多增今各弊禁
絕雜耗既少塩價亦宜少減請酌水陸運費

多寡定塩價抵昂遠者一分二厘近者七厘
爲準如遇陰雨量加一二厘並禁擷和沙土
等弊得

旨均如所請行二十九年六月疏請免高州
府屬吳川縣無徵銀四萬二千兩有奇米四
十石有奇

上諭戶部朕勤求民瘼期至阜安閭閻間有
疾苦時切軫念近廣東高瓊等府地丁各項
錢糧歷年逋欠如係官役侵漁及豪強頑梗

抗不輸納自應嚴追倘因丁缺地荒不能輸
納仍行徵比照例考成則民既困迫呼有司
復罹忝罰徒滋擾累終無裨益著該督撫將
各州縣舊欠錢糧不能辦納情由詳查具奏
三十年二月宏祚遵
旨查奏高州府屬吳川縣瓊州府屬臨高澄
邁二縣自康熙十八年至二十八年未完地
丁銀十二萬八千六百兩有奇寔係戶少田
蕪所致均應豁免

上允之粵省衛所屯田歲輸三年額度丁
多逃亡宏祚請比照民糧重則每畝八升八
合起科並裁補徵之項三十一年六月疏免
高要開平化州瓊山昌化五州縣累年無徵
銀三萬三千有奇米八百石有奇均下部議
行十二月擢浙江福建總督三十三年七月
命會勘太湖水利及吳淞江閘十一月回任
十二月以福建大計官員入奏
上曰朕覽朱宏祚大計疏內有閩省地瘠民

漢名臣傳卷十四
三
佻之語豈福建全省人盡皆佻薄乎原任四
川巡撫張德地署理延綏巡撫時曾奏延安
邊地並無可舉博學鴻詞之人原任少詹事
邵遠平奏南方人皆輕浮不可用朕思賢才
不擇地而生雖深山僻地豈無人才至南方
之人豈盡輕浮不可用者二人所言甚不愜
于朕心因皆罷斥今朱宏祚又以謬言陳奏
殊屬不合著察議具奏尋照部議降四級調
用三十九年

命分修高堰工九月以病卒于工次宏祚子
絳由部員歷官廣東布政使綱由貢生捐納
授兵部主事歷遷本部員外郎中康熙五
十二年授直隸天津道五十四年
上西幸畿甸綱迎

駕於趙北口

賜御書畫各一幅五十八年總督趙宏燮疏
薦綱勤慎練達調直隸巡道六十年遷河南
按察使雍正元年授湖北布政使尋調湖南

漢山名臣傳卷十四

漢名目傳卷十四
三年以委解黔省協餉銀兩不用部頒法馬致交兌短少為貴州巡撫金世揚所劾部議革職得

旨朱綱居官好着從寬降二級留任四年署湖廣總督福敏疏劾湖南按察使何錫祿於巴陵縣民童石安聚眾一案辦理遲延詳請展限文內私夾稟摺求免咨叅以綱會詳並劾之部議一併革職上以此案係按察使主稿

特命免綱處分五年二月擢雲南巡撫八月疏言州縣奉部查審事件例俱以督撫准咨日扣四個月咨題臣查各督撫將部文行司由司而府由府而州縣其距遠州縣奉到有遲二十餘日或三四十日不若與附近省城州縣一例扣限叅處似未均平請分別州縣離省遠近酌定文到程限咨部備案以奉文日起仍扣限四個月咨題完結至各督撫上司接准部文務于三日內檄行不得延緩

下部議行十一月疏劾署雲南巡撫楊名時
在任七載徇隱廢弛藩庫借支掛欠未清之
項至十九萬二千八百餘兩不行查奏殊屬
瀆職請徹底清理

詔革名時職並

獎綱毫不瞻徇卽令逐款查明勒限著追其
借支力不能完者責名時賠補六年正月調
福建巡撫卒

諭曰朱綱謹慎老誠才猷練達歷官巡撫

心供職懋著勤勞閩省要地正資料理忽聞
溢逝朕心甚爲軫惻應得卹典該部照例議
奏外著加兵部尚書銜以示優眷其柩觀起
程之日著省城官吏齊奠送所過福建地方
文武官員親往奠醊並遣人護送其別省經
過州縣亦著地方官照看尋
賜祭葬如例諡勤恪

馬進良列傳

馬進良甘肅西寧人由行伍拔補把總遷于

摠隨將軍孫思克勦叛鎮王輔臣於平涼有功陞授守備遷山丹營遊擊康熙三十二年思克疏奏進良隨臣征勦有年深知其謀勇兼全諳練軍務自調補臣標遊擊以來每遣發防禦果敢爭趨且愛士卒得人心請就近題補臣標中軍叅將部議不准特允所請三十三年授直隸石匣副將三十四年擢古北口摠兵三十五年正月入

覲

賜冠服三月

命率兵千五百扈

駕征噶爾丹

諭曰行軍法令最爲緊要奮勇前進者賞功怯敵退後者治罪此係定例馬進良與摠兵岳昇龍白斌均才力壯健素有謀畧經朕簡用尙任之人此次隨征遇敵臨陣時副將以下兵丁以上有違令退縮者着該摠兵等先正法再爲奏聞五月凱旋

命回任三十八年

賜驍勇飛將額四年

賞戴孔雀翎四十二年擢直隸提督四十六年

諭獎其整飭營伍訓練嚴明於地方有益四十九年八月

諭大學士等曰曩者將軍孫思克在平涼與賊大戰其手被賊砍中時馬進良為孫思克標下武弁聞之曰砍我搃兵之手者吾必殺

之遂突入萬軍追殺砍傷孫思克手之賊身被數創至今尚有傷痕可謂奇勇矣十二月提標中軍叅將員缺

詔即以進良子龍補授五十二年以老乞休上覽其疏情詞懇切

命以原官致任加

恩資五十六年卒於家

諭曰馬進良効力多年勤勞懋著予告未久忽聞溘逝朕心深為軫惻應得卹典該部察

漢名臣傳卷十四
三十一
例具奏尋
賜祭墓如例諡襄毅

陳丹赤列傳

陳丹赤福建侯官人順治十七年由舉人選授四川重慶府推官康熙元年卓異授刑部主事三年丁母憂七年服闋補原官遷員外郎十年遷兵部郎中十二年授浙江溫處道尋署按察使十三年四月入覲至東昌聞逆藩耿精忠叛丹赤以溫州與

閩接壤爲浙東門戶乃舍才兼程赴溫州守禦時賊圍瑞安丹赤發兵援之五月二十八日賊犯溫州急攻南門丹赤督兵登陣以砲矢殺賊無算會撫兵祖宏以陰通賊六月初一日集在城文武官至大觀亭會議開門迎賊丹赤慷慨責以大義誓不敵宏勲執丹赤手好語慰曰公閩人也何不念骨肉坟墓乎丹赤神色愈峻麾去勲子曰吾知以死殉不知其他宏勲目干搃高魁持斧擁丹赤出

丹赤罵曰逆賊女殺我

朝廷必寸磔汝魁以斧斫丹赤右臂遂遇害
十五年老都御史陳凱永疏請

賜卹

敕該督撫查奏十六年浙江巡撫陳秉直疏
言溫郡當閩寇圍困時在城文武不思固守
倡議迎賊惟丹赤堅志不從慘遭斧鑕請優
卹以慰忠魂

詔下部議尋議照例贈光祿寺少卿奉

旨陳丹赤殉難盡節殊為可憫著從優議叙
部議贈光祿寺卿奉

旨所議尙輕著再議具奏於是議贈通政使
司道政使廕一子入監讀書

賜祭葬

允之三十二年

賜諡忠毅三十五年

敕建雙忠祠于溫州祀丹赤及同時殉難之
永嘉縣知縣馬璠三十八年

上南巡

駐蹕杭州丹赤子一變時為湖州府知府迎

駕

賜御書名垂青史額

諭曰尔父為國殉難朕至今憫之賜此特表尔父之忠

王度昭列傳

王度昭山東諸城人康熙二十一年進士三十一年授雲南浪穹縣知縣三十六年行取

授浙江道監察御史三十七年丁父憂三十

九年服闋補雲南道監察御史四十年八月

疏劾廣東巡撫彭鵬前撫廣西時明知藩司

教化新虧空不卽糾待離任始奏又掩覆其

半廣東糧道張天覺改徵兵米比時價浮銷

九十餘萬兩經部駁追

皇上令鵬察奏鵬偏聽道員何漢英等以天

覺署理藩司查兵糧一案由藩司察詳是以

天覺察天覺也又據鵬劾藩司魯超虧空超

未任之時署印者天覺今起病故而天覺復署有彼此庇護擔承之弊

上令鵬明白回奏鵬力辯被誣得

旨朕於科道官許其風聞入告專爲廣開言路使督撫以下等官知所警戒糾劾不寔例有處分至於被劾之人具疏回奏止應辯晰是非不應支離牽引彭鵬雖操守清廉居官亦善此回奏反覆瀆陳不勝忿激粗戾已極若嚴飭行四十一年六月疏劾戶部尙書李

振裕索屬員祝賀禮物又令送馬等款



勅部察議部議振裕並無勒索祇收受圍屏屬寔但大臣不能禁絕交際應革職

諭曰李振裕果如王度昭所叅貪勒索取禮物則罪不止革職如祇收一圍屏未便卽行革職着九卿詹事科道會同察審令度昭對質議奏旋質議振裕祇收圍屏餘無勒索應免議度昭所叅有收圍屏一款屬寔亦免議四十二年授湖廣襄陽道四十五年內

遷光祿寺少卿尋遷順天府丞四十六年遷
大理寺少卿四十七年七月充河南鄉試正
考官十二月擢左僉都御史四十八年四月
遷太常寺卿八月遷通政使四十九年正月
命署偏沅巡撫五月疏言鎮守僻處苗疆自
改協爲鎮移駐道廳設營兵較往昔兵寔
增數倍以士著數千戶之糧食供日益之兵
民倘遇歲歉必致嗷嗷請於司庫借給銀三
千兩買穀萬石建倉積貯每年青黃不接時

減價平糶秋成價賤買補所借銀兩以每年
出糶買補餘銀限六年還項歸完後餘銀添
買增貯兵民均賴

諭嘉其寔心任事卽照所請行九月授浙江
巡撫五十年四月疏言兵糧計口授食刻不
容緩浙省本年夏秋二季兵米不敷請將現
在嘉湖二府應捐米內各移米萬石收貯省
倉以足夏秋二季兵米仍將冬徵南米還項
下部議行五月浙江巡鹽御史顏圖以温州



海峽目傳卷十四

處州古目請改於紹興行銷以裕額課

勅下度昭查奏十一月疏言溫處各屬地近

場灶者貧民負鹽易食不在禁例僻處山陬

者銷鹽原少官引不無壅積查康熙十年曾

有溫引改杭之例近見紹興引目已銷將溫

額量減七千九百四十八引歸紹興照引徵

課在溫處不致淡食價昂而紹商願認行銷

亦於正課無誤誠為兩便部議從之五十一

年二月

Handwritten mark or signature at the bottom of the left page.

